

Cusco - Agape Diospa Simin Qelqan - God's Love Letter Scriptures

Juan 15:9 Imaynan Yayaqa munakuwan, chay hinatan ñoqapas munakuykichis. Chay hinaqa, kamachikuyniykunata hunt'aychis qankunata munakushanallaypaq.

Isaias 43:1,2 - Efesios 2:10 Diospa ruwasqanmi kanchis, paymi kamawarqanchis Jesucristowan hukllachasqa kaspá allinkunata ruwananchispaq, chaykunatan Diosqa ñawpaqmantaña wakichirqan chayman hina kawsananchispaq.

Jeremias 1:5 - Gálatas 1:15 Ichaqa Diosmi manaraq naceshaqtiy akllawarqan, chaymi anchata khuyapayaykuwaspa waqywarqan. Paymi munayninman hina

Juan 15:16 Manan qankunachu ñoqataqa akllakuwarqankichis, aswanpas ñoqan qankunataqa akllakurqaykichis, hinaspan kamachirqaykichis rispa allinta kawsamunaykichispaq, allin kawsasqaykichis ruru hina kashanallanpaq. Chay hinapin Yayamanta sutiypi mañakuqtiykichis pay qosunkichis.

3 Juan 1:2 Munasqa wawqéy, ñoqaga tukuy imapipas allillanpuni qhalillapuni kanaykipaqmi Diosmanta mañapushayki, yachanin espiritual kawsayniykiqa allinpuni kashasqanta.

Isaias 43:4 - 1 Pedro 2:9,10 Qankunan ichaqa Diospa akllakusqan ayllu kankichis, reyta serviq sacerdotekuna, Diospaq t'aqasqa ch'uuya runakuna, Diospa rantikusqan llaqta. Diosmi laqhayaqmanta sumaq k'anchayninman waqyaspa akllakurqasunkichis paypa musphana ruwasqankunata willanaykichispaq. 10 Ñawpaqqa manan llaqtanchu karqankichis, kunanmi ichaqa Diospa llaqtan kapunkichis. Ñawpaqqa manan Diosqa khuyapayarqasunkichischu, kunanmi ichaqa Diospa khuyapayasqanña kashankichis.

Jeremias 31:3 - Efesios 1:4 Diosmi Cristopi akllawarqanchis manaraq kay pacha kamasqa kashaqtin, paypa ñawpaqenpi ch'uuya mana huchachana kananchispaq.

2 Timoteo 1:9 Paymi qespichiwarqanchis, hinaspa ch'uyata kawsananchispaq waqywarqanchis, ichaqa manan allin ruwasqanchisraykuchu, aswanpas paypa yuyaykusqanman khuyapayawasqanchisman hinan. Chay hinatan Diosqa Jesucristopi khuyapayawarqanchis manaraq kay pachapas

qallarishaqtin.

Juan 3:16 Diosqa anchatapunin runakunata munakurqan, chaymi sapan Churinta kachamurqan, pipas paypi iñiqqa ama wañunanpaq, aswanpas wiñay kawsayniyoq kananpaq.

Oseas 11:8; Isaias 49:15,16; & Isaias 41:13,14

Lucas 12:32 Qankunaqa pisi t'aqa oveja hinallaña kashaspapas, ama manchakuychischu, Yayaykichismi qhapaqsuyunta qosunkichis.

Mateo 28:20 Qankunaman lliw kamachisqaykunata paykunaman yachachimuychis kasukunankupaq. Ñoqaqa qankunawanmi sapa p'unchay kashani kay pachaq p'uchukanankama, nispa.

Juan 14:1 Jesusmi nirqan: –Ama sonqoykichispi musphaychischu, Diospi iñiychis, ñoqapipas iñillaychistaq.

Salmos 23:1 - Juan 10:11 Ñoqan allin michiqqa kani. Allin michiqqa ovejankunaraykun wañuytapas mana manchanchu.

Salmos 23:2 - Apocalipsis 7:17 tiyana chawpipi kashaq Corderon paykunataqa michinqa, kawsay unu pukyukunamantaqmi paykunataqa pusanqa, Diostaqmi paykunaq lliw weqenkutapas pichanqa, nispa.

Salmos 23:3,4 - Lucas 1:79 laqhayaqpi tiyaqkunatapas, wañuyta manchakuqkunatapas k'anchaykunarpaq, thak kawsay ñanpi pusawananchispaq, nispa.

Salmos 23:5,6 - 2 Corintios 1:10 Diosmi chay hina manchay wañuymanta qespichiwarqanku, hinaspa qhepamanpas qespichiwanqaku, chaymi suyakushayku Diosllapuni qespichiwanankuta,

Filipenses 4:7 Hinan Diosqa thak-kayta qosunkichis runakunaq mana aypay atisqan thak-kayta, chay hinapin sonqoykichistapas yuyayniykichistapas Jesucristopi Diosqa waqaychanqa.

Proverbios 3:24 & Salmos 4:8 - Juan 14:27 Thak-kaytan qoykichis, thak-kayniytan saqeykichis, manan runakunaq qosqanta hinachu chaytaqa qoykichis. Ama sonqoykichispi musphaychischu, amataq manchapakuychispaschu.

Salmos 33:18 - 1 Pedro 3:12 Señorqa chanin runakunatan qhawashan, mañakusqankutapas makillan uyarishan. Ichaqa mana allin ruwaqkunaq contranpin kashan”, nispa.

Romanos 5:2 Paypi iñispallan Diospa sumaq chaskiykusqanqa kanchis. Chaypin qaqata sayashanchis, hinaspan kusikushanchis Diospa qhapaq k'anchayninpi kуска kananchista suyakuspa.

Isaias 55:12 - Lucas 19:40 Jesustaqa paykunata nirqan: –Niykichismi, paykunachus upallanman chayqa, rumikunan qaparinman, nispa.

Juan 16:22 Chay hinallataqmi qankunapas kunan nanayta muchushankichis, qankunata rikuq kutimuqtiymi ichaqa, sonqoykichispi anchata kusikunkichis, manataqmi pipas chay kusikuyniykichistaqa qechusunkichischu.

Lucas 12:9 Pipas runakunaq qayllanpi “negawanqa chayqa” Diospa angelninkunaq qayllanpipas “negasqallataqmi kanqa”.

Mateo 10:30 Qankunaqqa chukchaykichispas llapanmi yupasqa kashan.

Isaias 54:10 - Mateo 24:35 Hanaq pachapas kay pachapas tukukunqan, simiykunan ichaqa kashallanqapuni.

Mateo 11:28-30 Ñoqaman hamuychis llapa sayk'usqakuna q'episapakuna, ñoqan samachisqaykichis. 29 Yugoyman k'umuykukuychis, hinaspa ñoqamanta yachaqakuychis llamp'ulla, huch'uyyaykukuq sonqoyoq kasqayta, chaymi qankunaqa samakuyta tarinkichis. 30 Yugoyqa ch'usallan, q'epiypas manan llasachu, nispa.

Cantares Salomon 2:10 & Oseas 2:14,19,20

2 Corintios 11:2 Wawqe-panaykuna, anchatan agradecekuykichis tukuy imapi ñoqata yuyarikuwasqaykichismanta, tukuy yachachisqaykunatapapas hap'ikusqaykichismantawan.

Éxodo 3:14 - Hebreos 13:8 Jesucristoqa iman kaqllapunin qaynapas, kunanpas, wiñay-wiñaypaqpas.

Oseas 13:4 - Hechos 4:12 Manan hukpiqa qespikuy kanchu, manataqmi kay pachapiqa huk sutipas kanchu runakuna qespichisqa kananchispaq, nispa.

Juan 15:14 Qankunachus kamachikuyniykunata hunt'ankichis chayqa, amigoykunan kankichis.

Juan 14:6 Jesustaqa payta nirqan: –Ñoqan kani ñanpas, cheqaq-kaypas, kawsaypas. Pipas ñoqallantapunin Yayamanqa chayanqa.

Apocalipsis 3:20 Qhawariy, ñoqaqa punkupin kashani, waqyashanitaq. Pipas kunkayta uyarispa punkuta kicharimunqa chayqa, wasinmanmi haykusaq, hinaspan paywan kuska mikhusaqku.

Pastor T. John Franklin
Church of Salvation, Healing, and Deliverance
COS-HAD.org